

皇清經解

皇

清

經

解

皇清經解卷一千三百一十三

學海堂

春秋異文箋

仁和趙徵君坦著

定公三年

左氏二月辛卯邾子穿卒

公羊三月辛卯邾婁子穿卒 唐石經磨改作二月

疏三月辛卯云云公羊穀梁皆作三月左氏作二月未知孰

正

穀梁同公羊 唐石經作三月

謹案杜氏長麻以辛卯在二月則左氏爲是 春秋釋例長

歷定公三年甲午二月癸亥朔辛卯二十九日

左氏冬仲孫何忌及邾子盟于拔

釋文拔皮八反

公羊冬仲孫何忌及邾婁子盟于枝

釋文枝二傳作拔

穀梁同左氏

謹案拔與枝字形相似音亦相近公羊作枝或由此譌漢

書地理志上北海郡樂都侯國莽曰拔壘一作杖一作枝也

荀子疆國篇拔戟加乎首則十指不辭斷注拔或作枝

困學紀聞六左氏衛公叔發注謂公叔文子論語孔注作公

孫拔集注云公孫枝蓋傳寫之誤

閻若璩云按鄭氏注檀弓亦云名拔或作發

四年

左氏夏四月庚辰蔡公孫姓帥師滅沈以沈子嘉歸殺之

釋文公孫生本又作姓音生

公羊

夏四月庚辰蔡公孫歸姓帥師滅沈以沈子嘉歸殺之

釋文公孫歸姓二傳無歸字姓音生又音性

穀梁

同左氏

謹案昭元年經會于統左公穀皆作蔡公孫歸生此經左穀

無歸字或闕文生姓古通假字

說文女部姓人所生也古

之神聖母感天而生子故稱天子从女从生生亦聲春秋

傳曰天子因生以賜姓

左氏

五月公及諸侯盟于臯鼬

注繁昌縣東南有城臯亭

釋文鼬由又反

公羊

五月公及諸侯盟于浩油

釋文浩油戶老反又古老反下音由一音羊又反二傳作臯

鼬

梁穀同左氏

謹案公羊作浩油亦假音字又案鹽鐵論引春秋多從公羊

說和親篇引此又作誥鼬公羊古義古讀臯為浩鼬為由

原注爾雅釋訓云臯臯瑁瑁刺素食也樊光本浩浩瑁瑁

左氏杞伯成卒于會

釋文成音城

公杞伯戊卒于會

釋文戊音茂又音恤二傳作成

梁穀同左氏

謹案公羊作杞伯戊或傳寫之譌 史記杞世家平公十八

年卒子悼公成立

左氏 晉士鞅衛孔圉帥師伐鮮虞

釋文圉魚呂反

公羊 晉士鞅衛孔圉帥師伐鮮虞

釋文圉魚呂反左氏作圉虞本或作吳音虞

穀梁 同左氏

謹案圉圉音同義通古或通用 說本口部圉守之也从口

吾聲牽部圉圉所以拘罪人从牽从口一曰圉垂也一曰

圉人掌馬者 班馬字類圉漢書藝文志列子名圉寇音禦

圉漢書陳咸傳贊可謂不畏彊圉讀作禦 漢書地理志下

天水郡冀禹貢朱圉山在縣南師古曰圉讀與圉同 隸釋

堯廟碑 鞞磬祝圖 案詩作圉 大饗碑下及陪臺隸圉

左氏 冬十有一月庚午蔡侯以吳子及楚人戰于柏舉楚師敗績

注柏舉楚地

公羊 冬十有一月庚午蔡侯以吳子及楚人戰于伯莒楚師敗績

釋文伯莒左氏作柏舉

穀梁 冬十有一月庚午蔡侯以吳子及楚人戰于伯舉楚師敗績

謹案柏與伯古字通假舉公羊作莒亦假音字 書序作西

伯戡黎釋文伯亦作柏 漢書古今人表柏皇氏柏夷亮父

柏招柏奮柏虎柏譽柏益柏陽逢公柏陵柏因柏樂柏卦叔

邊柏 人表攷柏夷亮父伯柏古通表中伯仲之伯多作柏

戰國策楚策一昔者吳與楚戰于柏舉燕策二果與伯舉
之戰水經注江水篇江水又東逕上磧北山名也仲雍謂
之大小竹磧北岸烽火洲卽舉洲也北對舉口仲雍作莒字
得其音而忘其字非也又云舉水南流注于江謂之舉口南
對舉洲春秋左傳定公四年吳楚陳于柏舉京相璠曰漢東
地矣江夏有洄水或作舉疑卽此也中州金石記開母廟
石闕銘柏鮡稱遂義作伯山左金石志七武梁石室畫象
柏榆傷親年老蓋以柏榆爲伯俞也穆天子傳河宗之子
孫鄒柏絮注柏爵絮名古伯字多從木晏子春秋內篇問
下柏常騫去周之齊音義家語作伯呂覽重言成公賈之
讎也賢於太宰嚭之說也注嚭晉柏州犁之子

左氏庚辰吳入郢

公羊庚辰吳入楚

穀梁同公羊

謹案公穀作楚或傳譌困學紀聞六書吳入郢楚昭出奔猶有君也申包胥求救猶有臣也故不言楚書於越入吳國無人焉如升虛邑故言吳

五年

左氏春王三月辛亥朔日有食之

公羊春王正月辛亥朔日有食之

穀梁同左氏

謹案公羊作正月字之譌釋例長曆三月辛亥朔日食

六年

左氏春王正月癸亥鄭游速帥師滅許以許男斯歸

公羊春王正月癸亥鄭游速帥師滅許以許男斯歸

穀梁同左氏

說見僖公二十六年公會莒子衛甯速盟于向下

七年

左氏齊侯衛侯盟于沙

傳云盟于瑣 注瑣即沙也 釋文沙如字又星和反

公羊齊侯衛侯盟于沙澤

穀梁同左氏

謹案左穀作盟于沙當是省澤字僖公二年盟于貫公羊經

作盟于貫澤是左穀亦省澤字公羊不省或衍文 釋例土

地名衛地沙璫二名陽平元城縣東南有沙亭

八年

左氏晉士鞅帥師侵鄭遂侵衛

傳秋晉士鞅會成桓公侵鄭圍蟲牢報伊闕也遂侵衛

公羊晉趙鞅帥師侵鄭遂侵衛

穀梁同左氏

謹案公羊作趙鞅亦傳譌 釋例世族譜趙鞅趙成子 程

公說春秋分記杜伯生隰叔隰叔生蔦蔦生穀穀生會以隨
爲氏亦曰范氏生二子曰燮曰魴燮生句魴生彘裘句生鞅
鞅生二子曰吉射曰臯夷

九年

左夏四月戊申鄭伯蠆卒

釋文蠆勑邁反

公羊夏四月戊申鄭伯蠆卒

釋文蠆勑邁反左氏作蠆

穀梁穀同左氏

說見襄公十四年會吳于向下

十年

左氏夏公會齊侯于夾谷

釋文夾古洽反又古協反二傳作頰

公羊夏公會齊侯于頰谷

釋文頰古協反左氏作夾谷

穀梁同公羊

釋文頰古協反左傳作夾谷

謹案夾頰音同義通古或通用 左氏僖二十八年傳狐毛

狐偃以上軍夾攻子西釋文夾古洽反又音頰 釋名頰夾

也面旁稱也亦取挾斂食物也 匡謬正俗一詩傳曰山夾

水曰澗此引爾雅正文言兩山夾水名之爲澗居然可曉而

劉周之徒又音夾爲頰 水經注淮水篇游水又北逕祝其

縣故城西春秋經書夏公會齊侯于夾谷左傳定公十年公

及齊平會于祝其寔夾谷也服虔曰地二名王莽更之曰猶

亭縣之東有夾口浦

左氏齊人來歸鄆謹龜陰田于黃父鄆文龜陰文公十三年大寧

釋文鄆音運謹火官反

公羊齊人來歸運謹龜陰田

穀梁齊人來歸鄆謹龜陰之田鄆字許姑賈之言龜陰田穀梁

謹案公羊鄆作運假音字說詳文十二年城諸及鄆下穀梁

衍之字

左氏秋叔孫州仇仲孫何忌帥師圍郕

傳侯犯以郕叛武叔懿子圍郕弗克秋二子及齊師復圍郕

公羊秋叔孫州仇仲孫何忌帥師圍費

疏左傳穀梁此費字皆為郕但公羊正本作費字與二家異

賈氏不云公羊曰費者蓋文不備或所見異也

穀梁同左氏

謹案左氏傳明云秋復圍郕穀梁亦作郕自當以郕字為正
且郕邑屬叔孫氏故圍郕叔孫為主費邑屬季氏若有事于
費帥師者當為季氏不當獨任叔孫也以是知公羊作費武
傳受之譌

左氏宋樂大心出奔曹

公羊宋樂世心出奔曹

樂疏宋樂世心者世字亦作泄字者故賈氏言焉左氏穀梁作

羊公大字

穀梁同左氏

已見昭公二十五年會于黃父經文說詳文公十三年大室

屋壤下

宋公子地出奔陳

左氏公羊

宋公子池出奔陳

釋文池左氏作地

穀梁

同左氏

謹案池與地古皆讀若駝故公羊作池 唐韻正五支池古

音駝六至地古音沱韻補地唐過切陳第曰案詩稱天凡一

百一十有四其稱天子尙多皆鐵因反獨稱地甚少在斯干

者韻禡與今音同又考說文地从土也聲也古通它故池馳

蛇施皆讀沱疑地亦此音及讀屈原橘頌以過韻地過讀平

聲正叶沱字揚雄羽獵賦亦同此例吳才老收地入箇韻讀